

۱۸۹ نومرو (۱۴۰) ۱۱ جمادی الآخر ۱۳۲۰

(بازار)

۱ ایلول ۱۳۱۸ ایگنجی سنه

امور اداره و تحریریه سی ایچون
عالم مطبعه سنه مراجعت اولنق
لازمدر .

منافع ملک و دولته خادم و ادبیات
وفنون و معارف و صنایعدن
باحث هفته لاق غزته در .

صاحب امتیاز :

محمد اکرم

مجموعه ادبیات

۱۲۱۸

IHSAN SUNGU
KITAPLARI

غروش شرائط اشترا :

۲۰ برسنه لك آبونه بدلی { درسمادت

۱۲ القی آیلق » » { ایچون

۳۶ برسنه لك » » { طشره

۱۵ القی آیلق » » { ایچون

استانبول ایچون محل اقامت تعیین

ایدیلیرسه طشره فیثانی آلنیر .

۵۲ نومرو برسنه لك ، نصفی

آلتی آیلق اعتبار اولنور .

درج ایدلمیان آثار اعاده اولماز

نسخه سی ۲۰ پاره در

ونیش لونده بر نشر اولنور عثمانلی غزته سیدر

نسخه سی ۲۰ پاره در

دورت بویه آیدر قدن صوکره کنندی اعمالاتخانه لرنده
یونته رق، حک ایدرک کوردیکمز اشکال ظریفده
مصنوعات میدانه کتیر لر . بوایشلرده ۱۱۰۰ عمله
چالیشمقدده .

برسنده چیقاریلان معدن طاشنک مقداری ۱۲۰
الی ۱۵۰ طونیلاتویه بالغ اولمقدده .

کنعان رقت



فورطنه لر

مابعد

هند غربی آطه لری آره سنده فورطه بالنسبه دها آر
برساحیه اجرای تاثیر ایدر . یعنی بورالرده فورطنه نك
ساحه تأثیری ۱۰۰ میله بیله واصل اوله ماز . لیکن فورطنه نك
دائرة تأثیرینك آزماسی نسبتده شدتی آرتدیغندن بورالرده
اجرا ایله دیکی تخریبات دیگر آچیق محللرده کندز دها
زیاده اولور . ایشته بوسیدندرکه هند غربی « هاریقان »
فورطنه لری شدت نقطه نظرندن صوکره درجه ده شهرت
بولمشلردر .

« هاریقان » فورطنه لری مرکز لری نك حرکت لری
ایله هاریقان روزکاری سرعت حقیقه لری بیننده هیچ
برمناسبت موجود دکدر . فورطنه نك مرکزی اطرافنده
دقیقه واحده کی سرعتی بر میل حتی بوندن بیله فضلدر .
« هاریقان » فورطنه لری نك طبیعت معلومه مخصوصه سندن
فورطنه مرکزینه یقین اولان نقطه لرده بوسرعت نك دها
زیاده اوله جنی آشکاردر . فی الحقیقه فورطنه مرکزینه
تقرب ایدلجکه سرعت تزايد ایتمکده ، روزکارده برتحول
عارض اولمقدده .

پوصله نك هر هانکی بر کرته سندن هبوب ایتمکده
اولان هاریقانک طریق سیری اوزرینه تصادف ایدن
برکمی تمامیه فورطنه مرکزی اوزرنده بولندیفی انشاده ،
برمدت قایله ایچون ، سکونت کاملیه تصادف ایدر .
بو حال ، پوصله نك مقابل کرته سندن ظهور ایده جک
شدتلی روزکارک هبوبنه مقدمه در . کمی فورطنه مرکزینی
کچر کچمز « بارومتره » ارتفاعی آغیر آغیر یوکسامکه باشلار .

هواده وقوعه کله جک تحولاتی وقتندن ارل خبر
ویره جک ویردیکی خبره اعتماد اولنه جق آلت هیچ شبهه
یوقددرکه « بارومتره » [میزان الهوا] در . بارومتره
جیوه ستوننک ارتفاعی احوال هوایه نظراً هر آن تحوله
معروضدر . بو تحول ، منطقه حاره داخلده بولنل
واقعه ده جزئی ودها منتظمدر . هوانک احوال
عادیه سنده منطقه حاره داخلنده بارومتره جیوه ستوننک
ارتفاع جهتیه اولان نخلانی پک نادر اوله رق بر پوسک
۱۰ ده برینی تجاوز ایتمکده در . بارومتره ارتفاعده
بوحدی تجاوز ایتک اوزره بر تخلف مشاهده اولنورسه
هواده تحولاتک وقوعه کله جکی آکلاشیلمایدر .

منطقه حاره داخلنده بارومتره لر حقیقه صوکره درجه ده
غربی بر حال مشاهده ایدلکده در . منطقه مذکوره
داخلنده بولنلن بارومتره جیوه ستوننک ارتفاعی بهر
کون درت دفعه تحوله دوچار اولمقدده در . ارتفاعه عارض
اولان بوتبدیل ساکن وکوزل هوالرده هر کون ایچون
منتظمدر . یعنی جیوه ستونی هر کون قبل الزول
وبعد الزوال ساعت ۱۰ ده ارتفاع اعظمیسنه واصل
اولور . قبل الزوال وبعده الزوال ساعت ۴ ده ایسه ارتفاع
اصغریسنه تنزل ایدر . تجارب متعدده نتیجه سی اوله رق
بارومتره ارتفاعنک مقدار اعظمی واصغریسی بیننده کی
بوفرقت عمومیتله پوس اوله رق قبول ایدلشددر .
بو حالده صباحین ساعت ۱۰ ده بارومتره ارتفاعی ۱۰ ده
بر پوس ترفع ایتیه جک اولورسه هواده تحولات وقوع
بوله جنی در حال آکلاشیلمایدر .

دوار فورطنه مرکز لری نك تعیین موقع لری ایچون
قاعده آتیه جاریدر :

« فورطنه مرکزی شمال عرضلرنده اسن روزکارک
استقامتمدن سکز کرته (۹۰ درجه) صاغ طرفده
وجنوب عرضلرنده سکز کرته صول طرفده در »

بقاعده عمومیه موجبنجه شمال عرضلرنده قره یل
[شمال غرب] دن طوغری وزان اولان بر روزکار
دوار فورطنه مرکزینک « پوراز » استقامتمده بولدیغنی
کوستره جکدر . بناء علیه روزکارک جهت وزاتی دائمی
نظر ترصدده بولندیرمق ایله دوار فورطنه مرکزینک

